

稟稿
稟信
稿

● 撫藩憲暨本府稟稿 富平任內

敬者甘肅查一年縣四十里地多高原土六焦燥僅百里之中有渠水

灌溉之地餘則全賴雨水均調歲收方期幸稔本年入夏時以雨澤愆

期首夏雖去得雨已失其時夏禾存形歉收彼時民情惶安就莫秋成可

卜詎至今旱魃為虐豆棉盡槁粟穀未得安種貧民生計維艱而在

東北鄉與蒲城接壤之區特為尤甚該處庄農為業別無生計而風

氣人心素稱強悍兵燹以來蓋歲殊少存有力之家未能深明大義

即正供猶多藉口規生焉餘生其賙恤故貧乏之戶未免益形艱窘 卑職

軫念民艱隱憂時切幸蒙

憲台先幾燭及圖匱於急預飭勸辦義倉以爲凶荒之備適據東北鄉承
辦義倉保正張茂祥等先民懇借義麥暫資接濟俟來年麥秋歸
款等情前來卑職仰體

大人創辦之意已寓補救之方應即俯以所請惠我窮黎秋前能否渥沛
甘霖事關民瘼卑職仍當隨時察看審議辦理所有卑縣受旱大概
情形及請借義麥緣由理合據情轉奉

憲台察核批示祇遵實爲恩便

稟卑縣東北鄉承收歉薄據情先請借
義麥以資貧民接濟由

稟團練總局 本道
府

敬奉甘肅軍門。奉 固練局憲札委

委馳赴涇富兩縣會同地方官抽查保甲清厘戶口另檄飭各貧富等差認真籌辦核實等因遵於本月十二日由涇起程道經三原十三日行近富平境內即留宿訪察鄉民僉保甲一事業經上年十二月查辦完竣門牌照常結料詢及本年夏禾收成惟東北鄉一隅尤形歉落呈日未刻抵縣與

面晤備述

憲台德意甚具感戴而戩司民社周濟疾苦罔不疚心隨檢查戶口底冊登載均

甚明晰通計城鄉共四十里者零五聯大小查十八鎮查千查百二十六村

堡土井容民共男女大小一十二家四千五百五十六名口舖商二千三百五

四名至麥冬收情景與身耶。所訪相符當即會同身耶。先傳承辦保正面諭一

移行美原縣丞暨仔學捕官均各輕騎減從分途實力查驗俾咸知保甲圍練

為當時急務惟貧富等第應分上中之要未便急切從事致將來兩報不實

上察第中中安為下此間民情甚黠先時德查戶口人皆知其意旨所在不

得不早為之防已養成保正督同鄉約總查按冊程案填注具各勝混甘結

其所誣四民及有各恒產必務核驗得實以杜徇隱之弊業將城內附郭鎮市

村庄全查昨晰夫所憲地當逢潤早耶。到富民恰值大雨時行垂時播種蕎麥

磨谷鄉約均係農民勢維無虞早聯等伏思

憲憲深遠原欲洞悉民間緩急為未雨綢繆之計細釋

札諭既未敢草率將事俾保約得以顛倒售其奸欺又未敢誣皇不謹動貧

富趨避覬覦之念且自今以往為日甚長亦當通盤籌及是以刻下查根等列

未可稍涉苟且也庶傳少寬時日以示詳慎而嚴弊端仍由早耶。督目認真

查亦盡心較核以期去負

大人屢念窮黎籌補救之深心一俟四鄉查竣兩具簡以清摺實呈

台覽呈報會同抽查及應即折回涇陽事竣之時再行回省銷差合并陸院肅此敬叩
鈞安伏乞

涇陽縣委會同抽查保甲清厘各等則該侯程查竣之日潤摺呈核由

垂鑒臨徑字 外

、敬再等甘察查上年曾在、

憲椒飭辦保甲兼行團練原欲兩事相輔而行坐收成效所有早縣保甲事宜
前由戶口尚厚詳明此次復查更形便捷業經早取會同委員先將查

驗情形等陳

鈞覽在案惟些間市北地面甚寬民俗素稱強悍蒲富極壤之區向有頑梗之

徒帶力遊落名曰刀匪有由來矣近雖隨時懲創秘知厥跡誠恐藉此歲歛勾結
御患潛匿山峪乘間竊發陳事亟賴圍練以資鎮定亟宜認真整頓庶貧
富得以稽查商民得以安業早賦現已諄飭保約於戶口冊內存記丁壯以備
臨時調集並令互相聯絡以資防範此亦當時急務也所有並辦緣由合肅

寸率附呈

大人電核肅此裁叩

金安并乞

垂鑒早賜。謹不率

敬稟者案查前奉

鈞札委查^卑縣保甲並密查戶口等則業將保甲會查明晰特請少寬時

日俾得詳查戶口會同委員陳令先行稟復暨另稟請兼行團練以資防範各緣由均蒙

憲鑒批示在案仰見

大人救荒恤民之深心務在先事之勞畫得宜庶臨時之處置悉當舍審戶別無把握自委員回涇之後迭經勒限嚴催各保約就上年查過保甲

清冊分別貧富等則秉公填註詎鄉氓早知立法之意一味含混開報幾

至下戶十居其九嗣又設法面為開導不過為擇壯丁便於團練自衛

起見因就密查札中添一下下戶分為五等必須鰥寡孤獨老弱殘廢

無告無業之民方居極平下下之列其有恒產及能自食其力者則

當確焉有區分不得概指為下呈到戶冊當堂駁詰不憚反復求

詳且又督同僚屬分赴四鄉抽查以後之開報尚覺無甚參差合

計城鄉一百零五聯一千一百二十六村堡共男女十二萬二千六百五十

六口共上戶六百八十三中四千八百七十中下戶五千五百零一下戶一萬

三千一百五十四下下戶四千三百五查昇縣境內向無巨富殷商但有
小康之戶不無吝惜之情固非若地多富豪輕財好施之易為力
也現在保甲戶口均已一律查辦完竣謹分別城鄉開造清冊呈
憲台察核門牌戶口仍當隨時核驗團練事宜總期實力辦理以濟
時艱而紓

慈履肅此敬請

勛安伏乞

垂鑒

稟報昇縣保甲戶口一律查辦完竣開造清冊貧富等第清冊呈請鑒核由

稟撫團練局本府、

敬稟者前蒙、

飭委會同查辦保甲清厘戶口業經卑職將貧富等第查清造冊

稟費在案一面傳諭各聯保正按聯舉公正紳士二三名到縣意

欲商明各就聯內籌辦分別次貧極貧兩等其有不給仍由卑職

籌畫以資接濟而拯窮黎果能如願似於上下均覺省事但本

年二麥因旱歉收秋糧未及補種民失所天情形爰正擬

將地方被旱情由據實具報詎韓帥有飢民之徒蒲城有意

外之變患生肘腋羣情浮動不但貧民迫莫能待即素封亦多
棄貲逃徙斯時城防事宜又形吃緊捐貸兩層碍難舉行常平倉所
儲積谷僅京斗麥六千餘石折合市斗四千有餘而城內勇糧一切及酌散
飢民專賴此款暫資應用既無存項可提又無正款可撥而鄉民之困
於飢餓者水尽山窮難保無思亂之心節經卑職隨時諭導尚見安靜一
自蒲城刀匪創禍之後深慮滋事復大張告示安慰人心近日聞有不安
本分之輩以所告均涉空言間有成羣結夥乘机掠取行人衣糧者亦
有逕投鹽灘匪黨者大抵東北鄉人強俗悍因飢而起者尤多也小劫

即大患之基再四思維與其收拾於將來莫若賑恤於此際苦於赤手空拳動多掣肘合無籲懇

恩施俯賜由省籌撥銀兩酌量賑濟先其所急以一人心而安反側則所全活者不少矣 卑職 為民請命不勝迫切惶禱之至仍乞

大人鈞示遵辦肅此敬叩

福安伏惟

慈鑒

稟卑 縣貧民乏食現在急迫情形懇 恩籌撥銀兩以資賑恤由

稟藩憲本府夾單請委典史專辦原賑濟字

敬稟者竊以本年春雨愆期麥收歉薄彼時猶可勉力支持羣情咸

冀有秋詐季夏得雨未能一律優霑立秋以來兼秋句之久甘霖絕望秋

糧枯姜雖雨無益祇可安種冬麥貧民嗷待哺情形岌岌可危而

早早縣東北鄉一帶與蒲城接壤尤為迫不及待地丁一項上中等戶之實

在有力者上忙已預存緩免之心相率觀望任尔追呼罔應而賑卹

之念亦不約而同矣目下秋收難靠早象已成業已嚴催保約趕將

上中下三等戶口確查填註保甲冊內縱有朦混亦不致毫無把握

惟念地方遼濶既無公正紳耆可以勸理又無殷實富戶可以共籌美

原鎮為縣丞分防地面去縣城寫遠卑賤控馭有鞭長莫及之勢時有

級深綆短之虞現經該鎮商民酌捐麥二百四十餘石急需得人秉公散

放以濟城內無告窮民城外及各處賑撫事宜亦係刻不容緩必須同

僚中分任其責該縣丞常。以之理平世似有餘治荒年則不足彼處

民情刁野尤宜夙夜鈔束有方或無他慮茲查有卑縣典史王。年壯才

明小心故事前經卑賤委赴該鎮會查保甲團練諸事辦理尚見廉

敏不致貽誤事机合無仰懇

憲恩俯念地方災歉政務殷煩札委該典史專辦美原鎮汎所賑濟以資
匡理而專責成俾早職得以安心辦理其餘要件此係為公事需人
起見是否有當相應稟請

大人察核訓示遵行肅丹敬叩

福
勛安伏乞

鈞鑒

稟撫^藩道本府紅白稟

敬稟者竊查^耳縣本年秋禾約收分数前奉

鈞飭分別四鄉查造通報等因奉此遵查^耳縣土地乾燥向不受^{耐旱}早本

年春雨失時二麥已形歉收入夏以來仍復滴雨未施雖種有棉

花豆粟均已枯槁六月十三日幸得甘霖優沾乘時補種蕎麥以冀

有秋詎至今四十餘日依然望絕雲電^竟秋收已可概見即有河水可

資灌溉地面原屬無多且源頭乾涸不盡足恃若東北鄉一帶

得雨獨薄秋多未種荒歉尤深推原其由皆緣兵燹之餘元

氣未蘇比戶均少蓋藏情形較為迫切所有卑縣本年秋禾業

經卑賤

確查自難以分數計其應征地丁及道倉糧石小戶固因貧

延欠大戶亦相率效尤

卑賤

雖多方勸化終屬罔濟似此天時多旱

民困待援何敢操之太急倘以後澤不下尺其勢更堪慮矣謹將

秋禾已未佈種分數難以約計情形先行據實稟報

憲台鑒核肅此敬叩

金安伏乞

慈鑒

稟報卑縣本年秋禾補種已遲相繼以旱現無分數可以約計由

敬稟者竊查 卑賤 奉

憲台札委轉奉

撫憲札據富平縣紳耆張壽等以連年荒旱稟請緩征一葉飭即遵照
批示束裝前往該縣確切查勘據實通稟等因奉此遵即於七月二十五

日起程由高陵縣前進二十六日行近富平西南境內一路留心察訪見行路之人
面有菜色且多携妻負子向西南逃生詰其住址皆稱為富之西北鄉人沿途
遇鄉民村老咸稱本年麥收歉薄補種秋糧乾旱貧民本形艱苦幸而人

心尚好如能布種麥籽尚不致有他虞抵縣城與周令晤據稱合縣荒歉情形亦惟東北鄉為最次日查者近城右左凡屬濕泉灌溉地畝皆為上業收成可靠二十八日自西北而至南鄉石川河兩旁水地上游得水為先秋禾尚好下游次之然以通縣合計其地不過十分之二此外原上受旱情形大畧相同再由東折而之北詢其地多乾燥二麥秋成更歉秋禾未得安種春夏之交貧民猶可支持現在則室如懸磬無以為生且該處村堡半鑿窖蓄水以為飲食近則不惟無食療飢亦并無水止渴較之西南兩鄉旱情尤有甚焉此畝戰連日查勘之實在情形也現在韓鄆蒲城匪徒相繼滋擾貧民迫於飢餓難

保不乘机窃发，应如何分别办理之处，应听

钧裁。所有卑职遵委确查缘由，相应驰稟申请

大人核奪，肅此敬叩

福
安伏乞

垂鑒

稟遵^札委馳赴富年縣查勘，荒旱現已確切，察明請
賜鑒核由

○稟撫藩本府

敬稟者竊查卑縣地方夏秋被旱以來二麥歉成秋收無望貧民飢困情形

莫切於東北當經卑職稟准借倉義倉麥石暫資接濟一面於七月內勸

諭美原商民酌捐麥石四百石於是月底及本月初間分別散給隨通盤

籌畫惟有各保各聯責成公正紳耆承辦不給再稟請以常平倉糧繼
之紳民多以為為便不料刁匪與土匪相繼滋事士民逃遷未及舉行十二日委員

汪令携銀前來連日會同紳士武鎮西等籌商在城設捐賑總局催
傳捐戶暨各聯保約妥舉聯紳分聯舉辦以期迅速而杜弊端並在美原

鎮遼中之地設立分局所有勸捐散賑買糧各告示諭帖並照票等項安置

周妥留紳士與王典史在城勸辦十七日已派丁役馳往美原張示曉諭發賑

其被難大小村堡查明共十處未便空言撫卹復另行籌款為安慰之需並

倡捐廉銀五百兩助賑以示激切勸定於十九日同委員前往卑賤即分途履勘

災難之區居民多有逃散前查保甲所列上中下等戶小有變易擬仍着

落保約逐細查報以杜冒濫被難較重之家應令與極貧之人一律賑濟

是日派舉人李海清帶銀二千兩隨汪令馳赴美原開局諭知奉行孫

文治等先備麥五百石以憑散放以安災黎而輯人心他如接見紳

民採訪輿情反复開導不厭精詳總求就地籌款設法保全卑賊
處此有名無實之地而特端度時勢必得謹怡此前後妥籌賑卹
業已開辦之實在情形也卑賊於十九日前往薛家鎮等處時適
聞劉令奉委接任旋即折回以便交卸合并陳明肅此敬叩

福
勛安伏乞

垂鑒

稟卑縣被災地面應行賑撫並卑賊先後籌商辦理情形由

稟復撫憲 紅白

敬稟者初五日祇奉

憲札以蒲城刀匪滋事尚未據城當清查保甲嚴稽出入激民團自固聞 卑縣

城門晝閉僅開南門一時許致鄉民進退不能人心愈亂謠言煩興飢民

滋事正宜開誠布公與紳士集議暫時賑濟之法除飭知隣近各縣外

令即遵照辦理等因捧讀之下惶愧

文繁

遵查蒲城刀匪變起倉卒皆

緣防範未密之故既能戕官刳獄焚署殺差已成叛逆又何事而不可忍

懲奸

為誅其心與官為仇凡係守土者除暴催科皆足以結怨前車已覆兇畿

吳常彼非不欲據城以自障也因糾約党羽之六七百人尚紮平菓村未及趕

到迨被兵役擊退後復會合折回攻城而已閉乃歸巢益灘該處去渭南

遠距蒲城稍遠離耳縣更近自前月二十六日三更後得張方伯瀛信以富與

蒲唇齒相依必得嚴為之備當即密諭家丁潛察城門關鍵戒勿入聲張

致起輿情驚擾二十七日督同紳士商議城防因東門不通要到西門為連城道

堡眾民居所環蔽請暫閉留南北兩出門入便於稽查以辰酉兩時啓閉大張告示俾

得周知鄉民紛紛遷徙即行李糧食概令入城惟不許閑人闖入此界縣

城防之情形也城內保甲從新復查說飢民藉以就賑至於鄉團於前查戶口

等第時同時並舉咸以年飢食用不足憑何因結人心因不可恃即就

飢氓中挑選勇丁二百名為捺探防禦計並非專意旬固也卑職連日籲請大兵一面

出示安慰飢民嗣又遵諭民團土匪格殺勿論祇以匪踪飄忽卑縣東北鄉

一帶距城寫遠向多匪党誠恐潛相勾結兵團丙無所恃勢必流毒閭閻

城外百姓誰非赤子卑職具有天良焉敢置而勿顧至於賑濟之法為日長方

本擬俟貧富等則通查之後令其各保各聯不給則歸官籌補正諭各舉

正紳董勸問患生肘腋士民逃散無從着手而一切艱窘勞怨百倍於尋

常而猶有謠傳上煩

憲聽自問有玷戢守卑賤一人原無足惜而閭縣生靈可憫亦惟有勉竭愚
忱期於無負 鞭策而已謹披瀝具陳情狀仰求

大人諒察施行肅此敬叩 福安伏乞 鈞鑒

稟卑賤辦理城防並非自固請 賜鑒察由

稟復 署糧道
首府 夾單

敬稟者日前兩奉

憲諭如聆

訓誨蒙

示今歲開倉以來應納道倉糧一欸已屬延緩近日仍屬寥寥雖屢經札
催並委員坐提總未見踴躍事關軍儲飭即嚴行催征掃數完納
等因仰見

鄭大人慎重軍糈杜絕流弊至意敢不認真奉行以期源流輸運未悞

札示以前卑賤即以已按征大糧之限并行飭催詎至今輸糧花戶並無起

色催科之拙一至於此自問無以仰對相形更覺難安查卑縣夏

秋糧滿年僅一百九十餘石大抵年清年款縱有蒂欠亦尚無多本

年春夏元暘為虐甘澍失時土色成焦夏禾收者既薄秋苗種者

仍枯幸叨

福范得前月十三日徹夜大雨始克補植秋糧亦惟蔘結一種耳若卑

縣之東北鄉近接蒲境二麥之收成尤歉夏雨之時施行獨偏天道

人心誠哉不可測也地丁一項均以鄰封為榜樣無貧富之等差怡

憲

而羣懷觀望繼則互相撻抗矣設秋早相因將奈之何所有應完
道倉本年糧石自當設法勒限嚴催務使趕緊輸將以抒

蓋念何敢以有委員分任其責稍好_存推卸之見亦不敢寬倚時日有負
諛囑之心肅此敬請

飭安伏乞

鈞鑒

○○○○

謹稟

糧憲

稟尾

再蒙

飭以承催書差等有包納侵匿私給藍票等弊並查五月十九日以前

所發紅票分別禁止呈核等因

卑戒

自應留心遵照辦理以杜弊端

而重糧餉合併

併

陳明肅此

云々

稟本府 夾單

敬稟者竊查前奉

鈞檄行提卑縣糧正范守凝等上控書役田太等藉差擾累一案到

縣除人卷局賬另文申解外遵查原呈牽涉折支加征並合甲差錢

均係卑職任內之事不得不另單稟明以備

憲台查核卑職於光緒元年十月到任查得每年糧正四十名分作五輪

每輪八人坐局并無首士專管接輪按交代無帳冒濫支銷圖

飽私橐且有重複代充當鑽營入局者若能論公正廉介實難其人承

平時流差無多大差亦不過學陵兩項借供應之名則有於底錢

舖

於值年甲內按糧推湊每石糧竟派至一二串不等收支多寡向不報

官軍興後又有合甲錢而舖底仍然推派一減無多弊實叢生民不

勝其擾耳到任後奉文由局提過錢四千串買麥又歸書院經

費錢四百串其餘局內浮費一律裁汰書役家丁概不許索取分

文一面稟請撤局流差歸三班支車署內支馬里局並不與聞均

有案卷可稽往來差使車馬向有折錢之事而署內均係照常

發價如謂需用車馬聽家人折錢車馬安出所有本年合甲共錢

千九百餘串令五論各按一千七百餘串收交卑 朕意欲稟請發商

生息津貼差費及地方應辦事宜來歲即將此項裁除均已面諭

知照嗣以春雨愆期正供尚多觀望勢難同時並舉遲待秋後或可

勉圖成功詎本年頭輪糧正周意萬即周顯等猶欲假公肥己請以

每石糧加派錢一串或六七百不等卑 朕卑 當堂核減挺抗不遵旋具稟

詞又未批准已屬大拂所欲兼因撤局以後無從染指且恐差錢一有

者存蓄此後不得浮派顧忌滋多遂串通元年二輪糧正范守凝表

裏為奸聯名撰控請免蒙飭查明稟復在案畢竟舖底合甲等

項由來已久積弊已深小民只知計輸錢糧即或有識者不欲結怨糧正率

皆隱忍不言官亦難於稽攷兵書田太被控事在卑賤未到任以前

時因倉書久病承辦積穀義倉需人該書尚曉公事去歲五月始令

暫為兼辦縣倉徵收兵糧業經明定章程通稟立案本年奉防兵伍

成收伍載糧餘銀應歸地項下徵收足額該糧正竟以加征為詞更屬

刁玩之至周意萬實收錢糧差生五百餘串任意開銷其交二輪清單與

當堂呈出賬單數目不符又不交出底賬經二輪糧正稟許差傳未

到致卷宗呈解稍遲合併陳明謹肅寸稟上瀆

尊嚴敬請

勛安伏乞

慈鑒

為申明利害以啓顯蒙事照得軍興後人心不古習俗日偷趨利則

義禮不明財各則名分罔顧或强悍之不馴復狡黠而多詐偶逢歲

歉妄念輒萌在貧難之戶不自覓生涯每覬覦賑貸即有力之家

不樂於賑急反希圖蠲徵憶前此大劫慘遭人物半為灰燼嘆今茲旱

魃為虐雲霓望切蒼黎皆緣不修人事致上干天和本縣疊次設壇

祈禱五中焦灼寢饋難安惟此次被旱地面甚寬渭河以北情景

相不下原不僅富邑一隅大局攸關自有定議如邇日甘霖渥沛

尚可望其有秋倘過時膏澤靳施自應權其緩急稟明辦理
凡爾士民皆吾赤子須知天災流行何地蔑有尤宜聽天安命循
分守法以冀挽回天心查例載不法之徒乘地方歉收糾衆搶奪
擾害良民挾制官長照光棍從嚴治罪法令何等森嚴身家亦
當愛惜嗣後小民多求生計或傭趁或販負或量移以就食或
稱貸以救窮勿糾黨而奪人財物勿聚衆而橫行鄉曲勿取
非義勿犯五刑倘再逞強滋事一經身罹法網累及家室彼
時噬臍莫及本縣亦不能為等^爾曲貸也為此示^仰閭邑紳耆軍民

人等一體凜遵務各互相勸勉照常安守本分以示保全而杜擾累
本縣言和福：慎勿聽之藐：切：特示

以上均係任富平所作

署篆南鄭報地方情形稟

敬稟者竊早職秉姿樸拙渥荷

鴻慈作養之恩戴同高厚遠睽

左右依戀時深叩辭後於本月十六日馳抵漢郡十日接篆南鄭早縣為

附郡首邑東介城固界西介褒沔界北界城褒南界城甯及蜀之通江南江犬

牙相錯四面平川之地距城三四十里不等惟南面幅幘遼濶山鄉更

多遠者百數十里更遠者二百餘里近亦七十里兵燹以後土著凋殘客

民十居其七五方雜處良莠不齊而山叢密之中人煙寥落最易藏奸

加之紅黑簽匪出沒無常。安靖地方編查保甲為第一要着。現值農忙

之際擬先城市集鎮而後鄉閭確實查明戶籍造冊編牌仍須親歷稽

核以杜飾欺民俗好頌詒近日為尤即輕生之案亦復不少亟須隨時理結嚴

切勸導或可稍抑澆風義倉積儲皆稻穀報捐一萬一千餘石城鄉各半

分儲尚須稽查俾得一律歸實本年麥收豐稔現復雨暘時若可卜有

秋屆時遵辦續捐自堪增益郡城舊有漢南書院各屬生童皆得肆

業道府縣次第輪課又有新設天臺書院規模小就童生盡隸南鄭

間有他處諸生其月課則係卑縣專主本道於漢南已早月增詩賦

一課現值賓興伊邇早戒擬為漢南金臺天諸生月增文藝一課其童生

則仿志學齋章程就其資學所能及者令各講肄經藝優予獎勵
以植根柢農民恒業土皆沃壤麥豆棉花互有種植稻居其大半而水利
則在堰與塘均當及時濬築此地方情形之大略也早戒德薄能鮮
懼弗克勝惟有实心實力夙勤矢慎以期無負

憲台委任之至意再早戒自出省至郡一路經行之處麥穗茂而實堅
漢南刈穫將竣正值分秧時雨優渥輿情帖然足紓
蓋廬肅具稟恭請

鈞安伏惟 慈鑒

南鄭觀風示

疏

疏

照得輜軒涖止、詢方登太史之書、俊義疾挺生、校士廣

同文之化、所以懷鉛握槧、通都畢萃、名儒負耒橫經、僻壤亦羅雋

彥、况矧茲南邑、首踞漢川、岫倚麒麟、巖敏秀定、多髦士、峰連鷲鷲、斯

文賴以成章、居廉泉讓水之間、有閑名教、在酉谷丙山而外、獨抱真

修、載指湖前編、尤徵實據、李孟節胸羅經、筒皆芳徽、用播太常、強

季先手淪文瀾、治譜常留雍城、緬昔賢於漢代、羣瞻博望之槎、

著雅範於國朝、屢上健翬之牘、凡此前人矩矱、莫非後學津梁、本

縣鄂楚素儒、闕秦曰吏、丁年科第、慙負望於南闈、戊歲官階、幸牧民於

西土、樂城近百里、觀摩廣集、通才美原、數十鄉策勵、半皆寒素、三度

預衡文之選、敢云鷄^薦荷足^{萬年}憑^{萬年}為起化之原、差幸息飛、布化報最、既携琴

以更調、復權篆以欣來、久聆風教、幸臨名勝之區、謬掌雷封、願效文明之治、

問虎闕^現以延英、校雄材之翹楚、定本月初十日於天台書院^后、編門督試、題分黃卷、同

藝院之量才、學重青湘、下蘭台之馳譽、尔生童黎^明、聽試素業、各呈文、不必緬

前型、而獮祭無矜、茅甲自饒新意、詩不必遺古調、而鴻才獨運、藝幸多屬妙詞、

既無慚鍾毓之靈、乃足備先後之美、

此日揮毫起草、汝既各称心而設、來朝定品衡、文我自當刮目以待、

倉儲交代字

敬稟者竊卑職東接收卑職驥任內交代因倉儲積谷為數甚多卑職瀛。

身膺實任未便久羈稟蒙

檄委卑職紹。監盤在案遵查同治二年逆匪竄擾郡城南鄭常平倉糧

顆粒無存嗣前升任方經收營田租谷并捐輸採買稻谷壹萬有奇歷任

遞交有除有收大數總不相上下卑職驥接任適逢旱荒稟明發賑平糶

舊儲一空自光緒五年冬季起陸續採買實存正糧稻谷市斗一萬一千九

百三十三石一斗五升七合八勺分儲各倉茲當交卸之際自應盤量以昭核實卑職

等會同前赴各倉逐一察看各廩均已儲積滿盈并無閒空地可騰挪
盤量甚為費手是以四面從長計議倉儲出入看守本係書斗專責惟
須有保廩耗糧方可於正糧無虧查有前任餘存營田經費稻穀五百石
原在倉糧正數之外今擬作為耗穀

卑賤驟

在任五年顯添買耗穀三

百石以資彌補此後無論正署各任計任滿一年捐買耗穀陸拾石按年
扣算買補每逢交代之時由倉書斗級出具倉糧無虧切結可省盤量
之擾如有歷時已久之廢勢不能無霉爛鼠耗必須盤量或於正糧稍有
虧短即可將耗糧撥補以足其數但糧數既多仍當時察有無霉變酌

隨

請出易似此明定章程庶文盤得歸簡易而倉儲亦可永無虧短矣

耳戕

等為慎重倉儲起見是否有當理合稟請
大人俯賜察核准如立案批示祇遵是為德便

訪拿賭匪懲治稟

敬稟者竊 卑職兆。奉

憲台札委馳詣漢中府屬會同地方官查照札開及告示事理訪拿各境賭匪
懲治等因同日並奉

撫憲面諭前事遵即束裝起程順道先詣鳳縣留填褒城等處訪拿
業將^{各境}會辦情形具稟在案茲於^省初。日馳抵南鄭。已將奉發告示

張貼通衢。^兆沿途察看往來士民互相傳誦無不歡欣感激查南鄭

為附郭首邑境內地多膏腴氣象頗形富庶向來賭風最甚加以城關係

水陸馬頭往未川湖客民其類甚雜更难保無外未賭匪竄入境內擾害閭

閭子曜

莅任後側見本道府查禁綦嚴復承諭勉當即出示嚴禁並因

清查保甲義倉之便接見城鄉紳耆靡不剴切誥誡所有城關四鄉責成

鄉保牌甲團總爰密稽察遇有開場窩賭之人立即稟案以憑照例加等

治罪倘敢徇隱一律連坐並諭鄉保人等互相傳告如有賭輸者准其自

首首免罪官為追還輸賍給領且於詞訟案件控告賬債訊無確切証據者

必嚴詰是否因賭負欠使百姓咸知禁賭認真迨未數月。曜隨時赴各

處密查賭風似較前少息茲奉前因。兆隨會同。曜連日親赴各鄉或

孤野廟宇或集市會場逐處履查現在境內委無開場窩賭情事至於兵
役。一人連日出入不意改装查訪城鄉文武各員均約束兵役甚嚴亦
無得贓包庇容隱惡習但賭博一事非徒耗民財而壞民俗抑且實為
盜賊之淵及今而謀戢盜安民知拿賭博誠為南山地切要之急務也。。曜
惟有恪遵

訓示益矢勤慎不時改装易服親赴各處密訪嚴拿並出具賞格有能
拿獲賭匪送案者重加獎賞務使賭匪淨絕地方謐安。。昇我兆。發稟後

即當前往沔略甯羌等處查竣後折回漢郡仍當嚴密查拿有犯必

獲有獲必懲以期仰副

憲台正風俗而清盜源之意斷不敢怠惰諱匿自干罪戾除將貼過告示
處所另文申報所有會同訪查緣由合肅稟聞

示諭閭邑童生知悉照得通經乃致用之本行文以力學為先南邑地居名勝多秀良本縣蒞任以來披覽課卷尚不乏可造之姿亟宜研究六經及名大家制藝以植其根柢今擬仿

撫憲志學齋課士章程就爾等資力之所逮照章肄習按日用功每月酌定日期齋集講堂相問難分別等差優予獎勵本縣准於月之

日親臨書院或解或辯或論先行面試而後得所採取令其勤習功課諸有志為學者先期至署

報名註冊屆期赴院點名應考此固講求實學之功用六即培植人材之淵源也勉之特示

維

謝降文

光緒二年己未朔越祭日癸丑富平縣知縣周

謹以羊一豕一並梨園

一部敢昭告於

尊神之香案前日伏以風調雨順本隨氣候以轉移而時和年豐胥仗

神明之呵護矧千秋廟貌既之為英而為靈合四境馨香自來格而來享

昨因敝邑境屬夏禾徧野暑雨之期官吏疲心徧氓疾首用是恭修

壇墀肅薦馨香荷

慈雲之普蔭沛甘澍於終朝雖潤物無私固

上帝好生之德而如

響斯應皆

尊神錫福之仁雨暘時若蒼赤銜恩爰抒叩謝之誠永賴甘和之庇
神其響而謹此表聞

禱雨文

維光緒三年春三月辛亥朔越祭日辛酉知縣周

謹昭告於

顯佑伯城隍尊神位前曰惟神英明功在^善錫民救災解厄扶危定傾一邑

之望百姓所歛下官治陽

尊神治陰陰陽一理相輔而行神道設

教聖言可徵有獄不治求鑒於

神有犯不獲

神懾其魂民遭

兵劫神為之平民苦疾疫

神能驅瘟惟

神降福有禱則

靈矧當此際萬民祈年天久不雨麥不蕃鮮旱象將成麥槁川原

兵燹之後室多罄懸去歲稍歉民困堪憐繼以麥荒民命難全民為

國本食為民天民嗟鮮飽

國賦誰捐催科既拙撫字易愆忝為民牧

實用憂煎上乞 神眷設壇告虔惟冀 神靈默答愚悃惟期

神恩俯念民困夫何 百神禱罔應雖蒙降澤甘霖若靳土壤枯
焦仍然莫潤不揣冒昧敢瀆 神聽下官不德 神靈有赫下官

共職尤仗 神力奸民作慝宜示之罰窮黎作苦宜賜之食伏願

神靈控訴碧落 天心仁愛 坤德廣博雲行雨施雷風相搏既

雷既足既優既渥滋我來牟其生也勃 諸神之佑惟 神之澤

靈兮不寐尚其來格

禱雨文

維光緒三年三月壬戌日之吉富平縣知縣周 謹以香楮之儀佈告於

太白
風雲雷雨
龍王
城隍

之神位前曰大哉乾元萬物資始至哉坤乾元萬物資生風送雨至雨注

風止雲騰致雨雷行雨部雲濃雨沛迅雷甚雨代天宣化各有攸司代

地育物功在生民龍之為靈噓氣成雲鳴鼓興雨誠應故 神封內形

勝太白崔巍其靈莫測物望所歸冥府有官尊於守土救災恤民民

罔不服無何設壇虔禱甘澍漸近兼旬愆陽如故撫躬自慙撫懷內

疚政事闕與敢護其短職分失與敢辭其咎刑罰濫與當防冤抑催科

嚴與當勤撫字利未興與力有不逮弊未剔與智有不足衾影慙與

密為省察、綱紀弛與、大為防範、惠澤靳與、且念民依、教化疏與、且期
民格、民俗澆與、導之以厚、民心慢與、糾之以猛、民忘本與、農桑必重、
民作慝與、昏役必懲、舞文弄法、叢過之尤、鼠盜跳梁、於陽為
元、上干 天怒、乃有旱象、伏惟

尊神、軫念了遺、宥我不德、赦民罪愆、甘霖渥降、澤潤無邊、麥
苗滋長、輿情安謐、牧占魚夢、戶慶鳩安、仰沐 恩施、曷其有極、惟
尊神、默鑒愚悃、

維光緒三年夏五月富平縣令周 敢昭告於、

龍王尊神之前曰惟

神司瑞應之真精擅嘘靈之顯象沛甘霖而滋物產敷愷澤以奠
民生赫濯 聲靈丕昭四序今者富平四境春膏既未霑足夏

雨又復愆期土田有龜圻之形溝澮來與枯之嘆以故農民至今
穀不得播米難待炊官吏驚心問關疾首因念守土或罹失職
之咎而 靈神自具好生之仁用是恭詣壇墀以告愆敬奉
馨香而叩禱惟求

神功迅賜滂沱三日之霖庶幾農事方具與種植獲九秋之利仰
鑒觀之不遠俾官民以其蘇敢效吉蠲以祈甘雨立荷

神庥伏惟尚

饗

告城隍文

光緒九年十月戊申朔邠州直牧周

謹以香楮牲醴之儀致祭於

城隍大神之前曰陰陽原無二理好惡自有同情去莠安良良賴長官
之整肅彰善殛惡端資神聽之聰明故應求必本誠心化昭幽贊
屏逐尤嚴惡物患可潛消久官秦閩愧無建立承乏幽邑時切憂
勤睹穴處之荒涼心勞撫字詢民間之疾苦念切惻痲待治
蒼生方期安全於鳩集何辜赤子忍令殘害於狼貪爰撰祭
狼之文冀早斂跡并嚴驅狼之令免再戕生謹告明神同捍逐
於境外無滋醜類猶猖獗於城隅倘能化彼凶殘庶不負父母斯

民之責。從此同登康樂。無不感陟降在天之靈。惟爾有神。尚其

鑒之。

祭狼文 初淮州

光緒九年十月朔邠州刺史周 恭偕僚屬謹以豬羊之肉投與
狼食而告之曰上帝以好生為心刺史有撫綏之責 聖天子民

胞物不徒蒼生黎庶宜加保護即昆蟲鳥獸亦均在愛養之中並

生並育盛世所以有成若之休若冥頑不靈為民物害者則有鋒

刃棧槍以除其毒考之周禮冥氏掌攻猛獸穴氏掌攻蟄獸設

有專官亦未嘗以不殺為仁也刺史宦陝十餘年矣由城固而富平

而咸甯而南鄭每欲化頑而向善亟思除暴以安良初未見有物為

人言若斯者今秋八月來滋斯王問閻閻之休戚考風俗之隆污見夫穴

居野處尚有古風而構訟者希私心馮竊喜不惟詢諸父老均以狼貪肆

虐言之泣然涕下刺史心焉不快者久之夫幽地素稱沃壤自兵燹

以後人民凋敝愁苦不堪刺困此了遺而反令惡物從而賤賤之揆之好

生之德撫綏之意不亦大相刺膠乎方今 天子 慈訓欽承

神武天曾彊宇日闢匪逆潛消豺狼其不可與刺史雜處於此土也

明甚刺史受 天子命守此土治此民而豺狼乃悍然不安巢

穴往、於薄暮時攫取民間嬰孩以肥其身以種其子孫大貽史刺

羞刺史不德不能驅鱷而渡虎窟嘗返躬修省果稅斂苛歟
果刑罰之殘歟果食用之奢歟果聽斷之惰歟刺史嘗兢以此
為戒而愛民如子願肯聽惡族類聚於斯乎人之子而狼食之
狼之子人獨不能取之乎人雖駑弱誰其低首降心以偷生於此也
狼果有知其咄刺史言窮山僻壤乃獸寢處之鄉而城市之中人
烟輻輳之處狼概不得擅入今與狼約盡七日率其醜類走徙荒
陬以避

天子之命吏如其不然此地有精兵三百操弓矢

鎗礮以與狼從事覆穴傾巢必盡殺乃止若果戢其凶殘化而

為麟趾騶虞刺史又於狼乎何惡焉

